



**RESOLUCIÓN DO DEPARTAMENTO TERRITORIAL DA CONSELLERÍA DO MAR EN VIGO,
POLA QUE SE AUTORIZA O AUMENTO DE CORDAS NOS POLÍGONOS DA RÍA DE VIGO
CANGAS "F", "G" E "H".**

Feitos

1. O 22.01.2026, Javier Pena Lemat, con NIF 78730451W, en representación da Sociedade Cooperativa Galega Limitada Mejilloneros de Galicia (SOCOMGAL), con NIF F36021152, presentou unha solicitude (Nº de rexistro de entrada 2026/177874) na que solicita que se autorice a colocación de 100 cordas a maiores das xa autorizadas nos polígonos Cangas F, G e H, ven sexa para desdobrar ou para colgar mexillón estocado en sacos.
2. O 23.01.2026 o Director Xeral de Pesca, Acuicultura e Innovación Tecnolóxica, emite un informe no que indica que non observa inconveniente en que se resolva favorablemente o aumento de 100 cordas baixo unha serie de condicións.
3. O informe do Intecmar de situación das zonas de viveiros flotantes do 27/01/2026 (Nº SZ000020/26) indica que os polígonos Cangas F, G e H para mexillón atópanse pechados por biotoxinas.

Consideracións legais e técnicas

1. A Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, regula no capítulo III do título V as concesións de actividade na zona marítima.
2. O Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia, modificado polo Decreto 174/2002 do 10 de maio, no artigo 35.2 establece que cando nun período determinado se presenten de modo persistente e continuado fenómenos medioambientais excepcionais, tales como fortes temporais ou episodios de fitoplancton tóxico, que impidan levar a cabo o ciclo normal de produción ou repercutan gravemente no de comercialización, a delegación territorial dentro do ámbito da súa competencia, poderá autorizar por resolución motivada o incremento do número de cordas de engorde en determinados polígonos con carácter temporal, previa petición da maioría das entidades representativas do sector, e informe da correspondente unidade técnica administrativa. A autorización cesará no seus efectos cando fundadamente se estime que desapareceron as especiais condicións determinantes da medida.



De acordo con todo o indicado, RESOLVO

Autorizar a colocación de 100 cordas máis das 500 xa autorizadas, **para preengorde, engorde ou para a colocación de mexillón estocado en sacos**, nas bateas dos polígonos Cangas F, G e H, baixo as seguintes condicións:

- Nas cordas só se poder encordar mexillón procedente da propia batea ou estocado en sacos.
- O número de cordas con sacos por batea non excederá de 100. As cordas terán unha lonxitude máxima de 12 m.
- As cordas deberán estar claramente identificadas mediante una marca de cor verde de como mínimo 30 cm de lonxitude na súa parte superior.
- O número de sacos por corda non excedera de 25.
- Cada saco conterá un máximo de 10 Kg de mexillón.
- A vixencia desta autorización rematará, como máximo, un mes despois do levantamento do peche por biotoxinas do polígono afectado, rematada a vixencia os viveiros deberán volver ao número de cordas autorizado segundo a normativa vixente.

Todos os concesionarios que fagan uso desta autorización deberán comunicar coa antelación suficiente a colocación das cordas a medida que as vaian pendurando. Deberán comunicar o nome do viveiro e a súa localización (polígono e cuadrícula), a data e o número de cordas de estocaxe e a súa lonxitude, así como o número de sacos por corda que van dispoñer, á Subdirección Xeral de Acuicultura, da Dirección Xeral de Pesca, Acuicultura e Innovación Tecnolóxica da Consellería do Mar. A comunicación poderá ser realizada a través do correo electrónico servizo.innovación.acuicultura.cmr@xunta.gal.

De conformidade co disposto nos artigos 121 e 122 da Lei 39/2015, do 1 de outubro, do Procedemento Administrativo Común das Administracións Públicas (BOE núm. 236, do 2 de outubro de 2015), contra esta resolución, que non pon fin á vía administrativa, poderase interpoñer recurso de alzada ante o conselleiro do Mar, no prazo dun (1) mes contado dende o día seguinte ao da súa notificación. Transcorrido dito prazo sen que o recurso fose presentado, a resolución será firme a tódolos efectos.

A directora territorial

